

BOSNA I HERCEGOVINE
FEDERACIJA BOSNE I HERCEGOVINE
UNSKO SANSKI KANTON
OPĆINSKI SUD U BOSANSKOJ KRUPI

Broj: 018-0-Su-24-000 008
Bosanska Krupa, 09.02.2024.godine.

**NARATIVNI IZVJEŠTAJ O RADU
OPĆINSKOG SUDA U BOSANSKOJ KRUPI
2023.GODINU**

Bosanska Krupa, februara 2024.godine.

1. UNUTRAŠNJA ORGANIZACIJA I KADROVSKA OSPOSOBLJENOST SUDA

Općinski sud u Bosanskoj Krupi osnovan je Zakonom o sudovima u Federaciji Bosne i Hercegovine („Službene novine Federacije BiH“ broj: 38/05,22/06,67/10,72/10,1/13,52/14 i 85/21) kojim zakonom je određena mjesna nadležnost Općinskog suda u Bosanskoj Krupi, a koji u svom radu pokriva područje grada Bosanska Krupa i općine Bužim, te je rad organizovan na način da je formirano Odjeljenje ovog suda u Bužimu.

U 2023. godini u ovom sudu radilo je 7 (sedam) sudija, a po konkursu koji je raspisan 2022. godine za sudiju ovog suda imenovana je Kovačević Tajana sa danom 01.08.2023. godine.

Popunom ove upražnjene pozicije u toku 2023. godine ostvarena je objektivna pretpostavka za veći broj riješenih predmeta i povećanje stepena ažurnosti u radu ovog suda u 2024. godini.

Popunjenost prema Pravilniku o unutrašnjoj organizaciji i sistematizaciji radnih mjesta u Općinskom sudu u Bosanskoj Krupi, kada su u pitanju državni službenici i namještenici, u toku 2023. godine bila je 95%.

U 2023.godini rad po sudskim predmetima je organiziran u 4 već ranije formirana sudska odjeljenja: krivično, građansko, izvršno i prekršajno, koja broje 3 (tri) i više sudija u svom sastavu, a obzirom da zbog broja predmeta postoji potreba da sudije rade na više referata. Predsjednici odjeljenja su redovno održavali sjednice odjeljenja o čemu su i obavještavali predsjednika suda dostavljanjem zapisnika sa sjednica odjeljenja.

Odjeljenje Sudske uprave ovog suda čine Odsjek sudske pisarnice, Odsjek za administrativne i opšte poslove, Odsjek za računovodstvene i pomoćne poslove i Odjeljenje za zemljišnoknjižne poslove.

Po svim osnovama odsustvovanja sa posla sudija (godišnji odmor, bolovanje, državni i vjerski praznici, edukacija i ostala odsustva po drugom osnovu) sve sudije su odsustvovala sa posla ukupno 419 radnih dana.

Financijska sredstva za rad Općinskog suda u Bosanskoj Krupi obezbjeđena su u Budžetu Unsko-sanskog kantona za 2023. godinu.

2. OSTVARENJE NORME U IZVJEŠTAJNOM PERIODU

U izvještajnoj godini sud je ostvario kolektivnu normu od **113,15%**.
Ostvarena pojedinačna norma sudija je slijedeća:

r.br.	Sudija / stručni saradnik	Norma po CMS-u %	Ostvarena norma %
1.	Munevera Ezić, - predsjednik suda	53,73	122,54
2.	Emir Puškar, predsjednik odjeljenja	108,49	122,57
3.	Admir Hairlahović, predsjednik odjeljenja	107,15	122,84
4.	Marko Kecman, sudija, a zatim od predsjednik odjeljenja od 01.05.2023.g.	89,74 6,60-sokop	116,86

5.	Iza Malkoč, predsjednik odjeljenja	94,87	115,15
6.	Adis Abdić, predsjednik odjeljenja do 01.05.2023.g., a zatim sudija	97,14	102,11
7.	Maida Berberović -sudija	81,18 7,10 - Sokop	90,01
8.	Tajana Kovačević -sudija od 01.08.2023.godine	14,14	14,27

Sudija Tajana Kovačević imenovana je u ovaj sud 01.08.2023. godine te je ostvarila normu od 14,27 %.

Iz priložene tabele se vidi da su sudije koje su radile tokom cijele godine ostvarili godišnju normu, osim sudije Berberović Maide, koja je normu ostvarila u procentu 90,01%. Naime, ista normu nije ostvarila iz objektivnih razloga obzirom da je dužila veći broj predmeta na čije rješavanje nije mogla uticati (ostavinski predmeti i izvršni komunalni predmeti), te je najveći broj predmeta sa kojima je bila zadužena bio obuhvaćen Planom rješavanja predmeta gdje je zapažen broj riješenih tako da je ista postigla realizaciju Plana u procentu od 96% i na taj način znatno doprinijela u ukupnoj realizaciji Plana ovog suda za 2023. godinu u ukupnoj realizaciji od 93,10 %.

Može se konstatovati da su postignuti rezultati ustvari rezultati rada 6 (šest) sudija i predsjednika suda, jer je novoimenovana sudija stupila na dužnost 01.08.2023. godine. Po Pravilniku o unutrašnjoj organizaciji i sistematizaciji radnih mjesta, rad na predmetima u ovom sudu bi trebao biti raspoređen na 7 (sedam) sudija i predsjednika suda, te jednog stručnog saradnika.

Cijenim da je postignuta kolektivna norma od 113,15% za 2023. godinu upravo postignuta radom i povećanim zalaganjem sudija, a što je rezultiralo smanjenjem broja neriješenih predmeta na kraju 2023. godine, te samim tim i znatno manjim brojem predmeta koji su obuhvaćeni Planom rješavanja predmeta za 2024. godinu. Sve sudije su radile na više referata kako bi svi u radu imali približno ujednačen broj predmeta i stvorenu mogućnost za ostvarenje sudijske norme.

3. OSTVARENI KVALITET U IZVJEŠTAJNOM PERIODU

Ostvareni kvalitet u izvještajnom periodu na nivou Suda je 87,80%.

U ovoj godini u Sudu je donijeto ukupno **2783** odluka na koje se mogao izjaviti pravni lijek.

Kantonalni sud u Bihaću je odlučio o **252** odluke ovog suda na koje odluke su izjavljene žalbe stranaka.

Odlučujući po žalbama na odluke ovog suda u **177** predmeta potvrđena je odluka ovog Suda ili 70%, **32** odluke ovog Suda su preinačene ili 13%, a **38** odluka ovog suda je ukinuto ili 15%, u **3** predmeta je djelimično ukinuta odluka ili 1%, dok je u **2** predmeta odbačen pravni lijek ili 1%.

Ukupan kvalitet sudskih odluka u cjelini cijenim da je dobar u odnosu na ukupan broj donijetih odluka na koje se mogao uložiti pravni lijek, a uzimajući u obzir da su svi razlozi koji su uticali na ostvarenje kolektivne norme suda imali uticaja i na ostvareni kvalitet.

Kvalitet odluka po nosiocima pravosudnih funkcija:

Sudija	Broj donesenih odluka na koje se može izjaviti pravni lijek	Ukupan broj ožalbenih odluka	Broj odbačenih pravnih lijekova	Broj potvrđenih odluka	Broj preinačenih odluka	Broj ukinutih	Broj djelimično ukinutih odluka	Broj preinačenih odluka dobnešenih nakon održane glavne rasprave ili pretresa pred drugostepenim sudom	Ostvareni kvalitet
Munevera Ezić	238	9		9					100%
Emir Puškar	459	54	1	34	5	13	1		74,51%
Admir Hairlahović	492	69	1	44	12	11	1		83,09%
Adis Abdić	556	29		24	4	1			96,55%
Iza Malkoč	425	42		32	6	4			90,48%
Marko Kecman	257	25		17	2	5	1		78,00%
Berberović Maida	326	23		16	3	4			83,00%
Kovačević Tajana	30	1		1					
UKUPNO	2783	252	2	177	32	38	3		87,80%
ZK ured		18		12		6			

U odnosu na prethodnu godinu ostvareni kvalitet u izvještajnom periodu, procentualno izražen, veći je iz razloga što je ostvareni kvalitet u 2022. godini na nivou suda bio **83,72%**.

Smanjen je broj ukinutih odluka jer je u ranijem periodu – u 2022. godini, broj ukinutih odluka bio **47** dok je u ovoj izvještajnoj godini taj broj **38**. Najniži kvalitet je na krivičnom referatu i iznosi 26 %, i upravo odluke iz ovog referata su uticale na kvalitet suda.

4. OSTVARENI REZULTATI U IZVJEŠTAJNOM PERIODU U POGLEDU BROJA RIJEŠENIH I NERIJEŠENIH PREDMETA

Radi sveobuhvatnijeg sagledavanja broja riješenih i neriješenih predmeta u toku izvještajnog perioda u odnosu na ranije godine u tabeli su dati uporedni pokazatelji broja riješenih i neriješenih predmeta za 2022. i 2023. godinu.

Oblast	2022. godina			2023. godina			
	Neriješeno predmeta iz 2021.g.	Priliv predmeta u 2022.g.	Riješeno predmeta u 2022.g.	Neriješeno predmeta iz 2022.g.	Priliv predmeta u 2023.g.	Riješeno predmeta u 2023.g.	Neriješeno predmeta na kraju 2023.g.
Krivična Oblast	74	495 + 1016 Kr	476 + 1016 Kr	102	409 + 2013 Kr	440 + 2013 Kr	71

Građanska oblast	478	557	710	325	477	530	272
Vanparnična oblast	980	777	692	1067	906	1028	945
Izvršna oblast	3441 (IKom-2915)	1665 (IKom-1159)	2741 (IKom-2114)	2365 (IKom-1960)	739 (I kom-91)	2396 (IKom 1766)	708 (Ikom 285)
Prekršajna oblast	924	804	1084	644	1044	1286	470
Zemljišno - knjižno odjeljenje	261	4535	4613	183	4654	4690	147
Sudska uprava	0	15	13	2	5	7	0
UKUPNO	6156	9868	11345	4688	10247	12322	2613
SOKOP	0	27	0	27	463	227	263

U ovoj izvještajnoj godini u odnosu na prethodnu godinu na svim referatima je smanjen broj neriješenih predmeta na kraju godine u odnosu na prethodnu 2022. godinu, a kako je to detaljno prikazano u tabeli.

U ovoj godini, u odnosu na prethodnu godinu, povećan je priliv predmeta na vanparničnom i prekršajnom referatu, ali je povećan i broj riješenih predmeta (2022. godine iz vanparnične oblasti riješeno je 692 predmeta, a u 2023. godini 1028 predmeta, dok je prekršajnih predmeta u 2022. godini riješeno 1084, a 2023. godine riješeno 1286 predmeta).

Dakle, broj neriješenih predmeta je smanjen na svim referatima u odnosu na prethodnu godinu. U sudu je ostalo neriješeno 2466 predmeta zavedenih u CMS i 263 SOKOP predmeta.

Pored navedenog povećan je priliv predmeta u ZK uredu, ali je povećan i broj predmeta riješenih u 2023. godini tako da je na kraju 2023.godine ostalo neriješenih 147 predmeta ZK ureda, što je manje neriješenih predmeta u odnosu na 2022. godinu.

5. RAZLOZI ZA ZNAČAJNE PROMJENE U BROJU NERIJEŠENIH PREDMETA

U ovom sudu na kraju godine je ostalo neriješenih-otvorenih **2466** predmeta, što je u odnosu na prošlu godinu manje za **2039** predmeta.

Znatno veći broj riješenih predmeta u 2023. godini u odnosu na prethodnu godinu je i dalje rezultat preraspodjele predmeta u radu sudija kao i revidiranog rasporeda rada izvršitelja na terenu. Pored toga, značajan doprinos u većem broju riješenih predmeta na kraju izvještajne godine je maksimalno zalaganje i korištenje radnog vremena kako svih NPF o čemu govori ostvarena godišnja norma, tako i svih uposlenika u ovom sudu.

Smanjen broj neriješenih predmeta je direktno uticao na broj predmeta koji je obuhvaćen Planom rješavanja predmeta za 2024. godinu, tako da je Planom za 2024. godinu obuhvaćeno 878 predmeta, a u 2023. godini taj broj predmeta je iznosio 1043, znači manje za 165 predmeta.

Neriješeni predmeti koji ulaze i koji ne ulaze u Plan su približno ravnomjerno raspoređeni na nosioce pravosudne funkcije i očekuje se njihovo rješavanje u toku 2024. godine, a samim tim da se poveća broj ukupno riješenih predmeta sa kojima su sudije zadužene.

Ovaj sud je smanjio ukupan broj neriješenih predmeta na kraju izvještajne godine, po svim oblastima u kojima postupa.

Kada je u pitanju starosna struktura predmeta koji su stariji od 5 (pet) odnosno 3 (tri) godine situacija je sljedeća:

Godina	Predmeti stariji od 3 (tri) godine u koji broj ulaze i predmeti stariji od 5 (pet) godina			
	Krivična oblast	Parnična oblast	Vanparnična oblast	Izvršna oblast
2022.	14	21	88	679
2023.	12	28	110	123

Godina	Predmeti stariji od 5 (pet) godina			
	Krivična oblast	Parnična oblast	Vanparnična oblast	Izvršna oblast
2022.	10	5	33 (ostavine kod notara)	493
2023.	11	10	57 (ostavine kod notara)	69

U poređenju sa prethodnom godinom broj neriješenih predmeta starijih od 3 (tri) godine je u krivičnom i izvršnom referatu smanjen dok je u parničnom i vanparničnom referatu neznatno povećan, a kako je to i prikazano u tabelama. Broj predmeta starijih od 5 godina je neznatno povećan na krivičnom i parničnom referatu kao i vanparničnom (ostavine kod notara) dok je broj ovih predmeta u najvećem broju smanjen i sada se radi o 69 predmeta dok je 2022. godine broj ovih predmeta bio 493.

Što se tiče prekršajne oblasti i izvještaja o starim predmetima potrebno je istaknuti da ovaj sud nema neriješenih predmeta iz ove oblasti po osnovnim referatima (Pr, Prm) dok se predmeti u Ips fazama pojavljuju na listama predmeta starijih od 3, odnosno 5 godina prvenstveno iz poznatih razloga, a koji se odnose i dalje na nedorečenost zakonskih propisa koji regulišu ovu oblast.

U odnosu na 2022. godinu ovaj Sud je 2023. godinu završio sa manjim brojem neriješenih predmeta i to za **2039** predmeta u odnosu na 2022. godinu. Ova razlika se odnosi upravo na značajno povećanje broja riješenih predmeta u gotovo svim oblastima, posebno u izvršnom referatu kada su u pitanju I-Kom predmeti završeno je **1657** predmeta.

Napominjemo da je u 2023. godini intenziviran rad na SOKOP predmetima te je i njihov priliv zabilježen u protekloj godini (zaprimljena su 463 predmeta).

Značajno je napomenuti da je na konačan broj riješenih i neriješenih predmeta imala uticaja i činjenica da veliki broj građana, koje su stranke u postupku kod ovog Suda, žive u drugim državama, kao i činjenica da se sa područje ovog suda i dalje građani kontinuirano iseljavaju (statistički pokazatelji), a što sve direktno utiče na trajanje postupaka pred sudom zbog njihove nedostupnosti.

6. OSTVARENI REZULTATI RADA NA STARIM PREDMETIMA

Broj neriješenih predmeta starijih od 1/2/3/4/5 godina na početku izvještajnog perioda bio je 4505 predmeta.

Procenat norme ostvarene na starim predmetima, na predmetima starijim od 1/2/3/4/5 godina je 65,59%.

U 2023. godini sud je riješio ukupno 5896 predmeta u kojim broju su sadržani i premeti iz SOKOP-a.

U ovom broju riješenih predmeta, 3686 su predmeti čiji je početak stariji od 1/2/3/4/5 godina, a 1933 riješenih predmeta su predmeti koji su u sudu zaprimljeni 2023. godine.

U 2024-tu godinu prenesena su 2466 otvorena predmeta i to 533 predmeta kod kojih je stvarni početak stariji od 1 ili više godina, a ostali predmeti – ukupno 1970 predmeta, su predmeti čiji je stvarni početak 2023. godina, uključujući u ovaj broj predmeta i 263 iz SOKOP sistema.

7. OBRAZLOŽENJE RAZLOGA NEDOVOLJNOG BROJA PREDMETA U RADU SUDA ILI POJEDINIH SUDIJA

U izvještajnom periodu je redovno praćen priliv predmeta i broj otvorenih predmeta sa kojima su sudije zadužene, a radi ujednačavanja broja predmeta kako bi svaki sudija bio u mogućnosti da ostvari normu, što je i postignuto na način da se određenom broju sudija smanjivao procenat zaduženja predmeta na određenim referatima dok je drugima taj procenat povećavan zbog čega nije bilo razloga nedovoljnog broja predmeta u radu kako suda tako i svih sudija.

8. TRAJANJE POSTUPKA

Prosječno trajanje postupka po svim referatima je 570,99 dana u 2023. godini, a što je u odnosu na 2022. godinu manje za 199,01 dan. (2022.g. – 790,00 dana).

Prosječno trajanje postupka po referatima sa uporednim pokazateljima za 2022. godinu i 2023. godinu prikazano je u tabeli

Referat	2022 god.	2023 trajanje u danima
Krivični	54,98	78,92
Parnični	257,28	289,59
Vanparnični	468,33	456,59
Izvršni	1175,43	929,08
Prekršajni	591,73	266,55
Sudska uprava	11,92	7

Prema navedenim pokazateljima i dalje postupak najduže traje u predmetima izvršnog referata.

Razlog tome je veliki broj predmeta u kojima dolazi do otvaranja I-faze nakon proteka dužeg perioda od pravosnažne i izvršne isprave na osnovu koje se izvršenje traži. (npr. predmeti Mal-mal, Mal-kom, P – postupci završeni 2014.godine, a prijedlog za izvršenje na osnovu izvršne isprave – presude podnešen 2023.godine, tako da otvaranje faze Mal-I, P-I, se povezuje kao inicijalni akt sa izvršnom ispravom iz 2014.godine).

Pored navedenog, razlog za duže trajanje izvršnog postupka je i veliki broj predmeta u kojima stranke predlažu odlaganje izvršenja na određeni duži vremenski period, kao i veliki broj ovih predmeta gdje je predloženo izvršenje na nekretninama, a zbog potreba vještačenja nekretnina i angažovanja većeg broja vještaka u jednom predmetu postupak znatno duže traje.

Ovaj Sud je poduzeo sve mjere da se skрати prosječno trajanje postupka u svim predmetima kod ovog suda, a što je i vidljivo iz prikazanih podataka o dužini trajanja postupka koji je kraći za 199,01 dana u odnosu na 2022. godinu.

Smanjenju trajanja postupka u danima na izvršnom referatu znatno je doprinio raspored izvršnih predmeta na sve sudije ovog suda koji su u CMS sistemu, te praćenje rješavanja ovih predmeta prema starosti inicijalnog akta, a što je zatraženo i od izvršitelja da prilikom rada na izvršnim predmetima vode računa o starosti inicijalnog akta.

Zbog navedenog je u toku 2023. godine i riješen veliki broj I-Kom predmeta i to ukupno 1766, a neriješenih je ostalo 285 predmeta.

Činjenica je da je smanjeno trajanje postupka i na vanparničnom i prekršajnom referatu takođe učinjenom kvalitetnijom preraspodjelom predmeta sudijama te rješavanjem predmeta prema starosti inicijalnog akta.

Pored navedenog primijećeno je da je došlo do produženja trajanja postupka u predmetima na krivičnom i parničnom referatu, a kao razlog toga je utvrđena nedostupnost optuženih (raspisane potjernice i izdate naredbe za stalno praćenje i dovođenje), dok se taj razlog na parničnom referatu može prepoznati takođe u nedostupnosti stranaka zbog njihovog kontinuiranog iseljavanja pa i u situaciji kada je poznata adresa izvan granica BiH kada se sva sudska pismena dostavljaju diplomatskim putem što iznimno dugo traje.

U svakom slučaju Sud će nastaviti sa mjerama koje su se pokazale konstruktivnim u cilju bržeg rješavanja ovih predmeta i skraćivanja vremena trajanja postupka pred sudom.

9. OSTVARENI REZULTATI U RADU NA PREDMETIMA RATNIH ZLOČINA

Ovaj Sud nije nadležan za postupanje u predmetima ratnih zločina.

10. OSTVARENI REZULTATI NA RADU U PREDMETIMA KORUPCIJE I ORGANIZIRANOG KRIMINALA

U izvještajnom periodu kod ovog Suda je zaprimljeno **5 (pet)** krivični predmeta korupcije i to:

1. *K 55011* - k.d. član 386. KZ FBiH – posluša u službi, a koji predmet je iskazan završenim kod ovog suda i isti se nalazi na Kantonalnom sudu u postupku po žalbi na presudu ovog suda;
2. *K 53756* - k.d. član 383. st. 1. KZ F BiH – zloupotreba položaja ili ovlaštenja, a koji predmet je iskazan završenim i isti se nalazi na Kantonalnom sudu u postupku po žalbi na presudu ovog suda;
3. *K 53149* - k.d. član 383. st. 2. KZ F BiH – zloupotreba položaja ili ovlaštenja, u kojem je bio zakazan glavni pretres i isti na traženje branioca optuženog zbog zdravstvenog stanja optuženog odgođen za 26.02.2024.godine;
4. *K 56851*- k.d. član 380. st. 2. KZ F BiH, a u vezi sa članom 55. KZ FBiH – primanje dara i drugih oblika koristi, otvorena K-faza 09.01.2024.godine, nalazi se u fazi zakazivanja glavnog pretresa, Kps - faza završena 08.01.2024.godine;
5. *K 57232* -k.d. 384 st. 2. KZ FBiH – pronevjera u službi, glavni pretres zakazan za 27.03.2024.godine.

Dakle u 2023.godini ukupno je zaprimljeno 5 (pet) predmeta korupcije od kojih su 2 (dva) predmeta završena, a 3 (tri) predmeta su otvorena – još uvijek neriješena, iz razloga što su ova 3 (tri) otvorena predmeta zaprimljena pred kraj 2023.godine i Kps – faza je završena početkom 2024.godine.

Sudija koje rade na K-referatu su upoznate sa potrebom hitnog postupanja u predmetima korupcije kao i načina vođenja ovog krivičnog postupka u smislu procjenjivanja potrebe i održavanja glavnog pretresa “dan za dan”. Zbog navedenog očekuje se hitno postupanje u ovim predmetima i završavanje ovih predmeta u što kraćem vremenskom periodu.

11. ZASTARE PREDMETA

U izvještajnom periodu, kada su u pitanju krivični predmeti, apsolutnih zastara krivičnog gonjenja nije bilo, niti je bilo zastara u predmetima izvršenja krivične sankcije.

U izvještajnom periodu zastara je nastupila u jednom prekršajnom predmetu i to 18 0 Pr 055885 23 Pr, te je postupajući sudija nakon donošenja rješenja o obustavi postupka zbog nastupanja zastare vođenja prekršajnog postupka dana 10.05.2023.godine dostavila obavijest VSTV, a u skladu sa Instrukcijom VSTV u vezi informacija o dostavljanju sudskih odluka o završetku predmeta zbog nastupanja zastare prekršajnog gonjenja, a ista je dostavljena putem e-maila VSTV-u.

12. ZAKLJUČNA RAZMATRANJA O RADU SUDA U IZVJEŠTAJNOM PERIODU NA OSNOVU PRIKAZANIH STATISTIČKIH PODATAKA I INFORMACIJA NAVEDENIH U STATISTIČKOM IZVJEŠTAJU

Bitno je napomenuti, a kako je to već i prikazano u tabelama i o čemu su dati razlozi o postignutim rezultatima u radu, da je ovaj Sud u izvještajnoj godini ostvario kolektivnu normu u procentu od 113,15%. Unatoč činjenici da je ovaj sud sa brojem NPF bio nepopunjen do 01.08.2023.godine, što ukazuje na činjenicu da su svi NPF (sem jednog) ostvarili normu iznad 100%.

Smanjen je ukupan broj otvorenih predmeta na kraju 2023. godine i skraćen je rok prosječnog trajanja rješavanja predmeta upravo većim zalaganjem i rješavanjem većeg broja predmeta u razumnom roku.

Kada je u pitanju rezultat rješavanje predmeta iz Plana isti je do sada najbolji kako na nivou suda u procentu 93,10% tako u pogledu realizacije Plana za svakog NPF, jer su svi ostvarili realizaciju u procentu preko 87 % (jedan NPF), a ostali preko 90%.

Kvalitet sudskih odluka je ove godine viši za 4,08% u odnosu na 2022.godinu.

Dakle, kada su u pitanju rezultati rješavanja predmeta iz Plana, kvalitet sudskih odluka i smanjenje neriješenih predmeta u odnosu na prethodnu godinu, ostvareni su očekivani rezultati iz Godišnjeg programa rada.

Kada je u pitanju smanjenje broja neriješenih predmeta starijih od 3 i 5 godina (već je u ovom izvještaju naprijed napomenuto), posebno valja naglasiti kada su u pitanju izvršni predmeti u kojima se izvršenje evidentira kao početak predmeta u godini u kojoj je pokrenut parnični postupak, a koji postupak je završen donošenjem presude-izvršne isprave, predmet izvršenja nastaje-počinje isključivo onog momenta kad sud zaprimi prijedlog za izvršenje i zbog toga su upitni podaci u pogledu ukupnog broja neriješenih izvršnih predmeta starijih od jedne godine. Kao što je naprijed navedeno izvršni predmeti koji su evidentirani – primljeni u decembru 2023.godine prikazuju se u tabelama Planova u godine u kojima je iniciran predmeta (P,Mal) u kojem je donijeta izvršna isprava na osnovu koje je pokrenut izvršni postupak.

Prema Izvještaju o poštivanju optimalnih i predvidivih rokova utvrđenih za rješavanje pojedinih vrsta predmeta smanjeno je prosječno trajanje rješavanja predmeta pa isto sada iznosi 570,99 dana, a što je u odnosu na 2022.godinu manje za 199,01.

Uzroci prekoračenja rokova u rješavanju predmeta u 2023.godini, kada je u pitanju P-referat i predmeti stvarno pravnih sporova-utvrđenje prava vlasništva, su do sada neustrojene zemljišne knjige za veći broj katastarskih općina, a za područje grada nije završeno izlaganje zemljišta. Kao uzrok je prepoznat i problem nepoznatog boravišta stranaka zbog intenzivnijeg iseljavanja građana kao u druge općine tako i u države u okruženju, a uz to i veliki broj odlaganja ročišta na zahtjev stranaka iz objektivnih razloga, što sve dovodi do odugovlačenja – dužeg trajanja postupka.

Kada su u pitanju predmeti u krivičnom referatu, razlog ne rješavanja predmeta u predvidivim rokovima je nedostupnost optuženih zbog čega su izdate naredbe za praćenje i dovođenje ili su raspisane potjernice, a u manjem broju predmeta je zatraženo i preuzimanje krivičnog gonjenja ili izvršenja krivičnih sankcija od druge države.

Kada je u pitanju broj neriješenih ostavinskih predmeta na kraju izvještajnog perioda neophodno je naglasiti da je u pitanju manji broj predmeta koji se nalaze u radu u sudu (17 predmeta) i svi su obuhvaćeni Planom rješavanja predmeta za 2024.godinu.

Ostali broj neriješenih ostavinskih predmeta (790) povjeren je notarima kao povjerenicima suda na rješavanje.

U vezi ažurnosti zemljišno-knjižnih predmeta ista je zadovoljavajuća jer je na kraju godine ostalo neriješenih 147 predmeta i svi predmeti se odnose na 2023. godinu. Naime, radi se o predmetima u kojima je potreban duži vremenski period za njihovo rješavanje iz razloga što je u ovim predmetima zahtijevana uspostava ZK-uloška, a za šta je prethodno potrebno izvršiti identifikaciju nekretnina koju obavlja nadležna služba gradske uprave Grada Bosanska Krupa.

13. INFORMACIJA O PRIMJENI SMJERNICA ZA PREVENCIJU SEKSUALNOG I RODNO ZASNOVANOG UZNEMIRAVANJA U PRAVOSUDNIM INSTITUCIJAMA BiH

U izvještajnoj godini savjetnik ovog suda za prevenciju seksualnog i rodno zasnovanog uznemiravanja periodično je dostavljala informativni letak svim uposlenicima koji je sadržavao uputu de upoznaju sa Smjernicama za prevenciju seksualnog i rodno-zasnovanog uznemiravanja sa tumačenjem i pojašnjenjima razloga i slučajeva u kojima se mogu obratiti za pomoć.

U 2023. godini u ovom Sudu nije bilo ponašanja od strane uposlenih koji bi doveli do vođenja postupka propisanog navedenim Smjernicama.

14. INFORMACIJA O AKTIVNOSTIMA PODUZETIM U CILJU IMPLEMENTACIJE STRATEGIJE ZA UNAPREĐENJE RODNE RAVNOPRAVNOSTI U PAVOSUĐU BiH

Ovaj sud je shodno Strategiji VSTV-a, dana 01.07.2022. godine donio *Akcionni plan za implementaciju strategije za unapređenje rodne ravnopravnosti u pravosuđu BiH u ovom sudu* i formirana je radna grupa za realizaciju.

Sve aktivnosti predviđene Akcionim planom su završene do kraja 2022.godine, tako da je dana 12.12.2022. godine donesena Odluku o sadržaju i načinu implementacije daljih aktivnosti *gender mainstreaming-a* i Obavezujuće uputstvo o uvođenju rodne perspektive u radne procese u ovom sudu.

Početakom 2023.godine popunjen je i VSTV BiH dostavljen Obrazac za praćenje primjene akcionih planova za implementaciju ove strategije i u istom su navedene sve aktivnosti implementirane tokom izvještajnog perioda, te aktivnosti čija je implementacija planirana u 2023. godini.

15. INFORMACIJA O ODRŽANIM SASTANCIMA SA NOTARIMA

Nakon održanog sastanka sa notarima sa područja nadležnosti ovog suda (grad Bosanska Krupa i općina Bužim) koji je održan dana 27.09.2022. godine, na kojem je razmatran Zaključak VSTV od 14.07.2022. godine i na kojem su raspravljani ključni problemi u radu notara koji utiču na dužinu trajanja ostavinskih postupaka, a samim tim utiču i na povećanje broja neriješenih ostavinskih predmeta u sudu, uočeno je da je u 2023. godini povećan broj predmeta koje su kao završene dostavili notari sudu, tako da je došlo do smanjenja broja neriješenih ostavinskih predmeta za 200.

Takođe je uočeno, kada je u pitanju priliv ostavinskih predmeta, da je isti neznatno povećan u 2023. godini i to za 18 predmeta, a povećan je broj riješenih predmeta kako od stane notara tako i ostavinskih predmeta koji su vraćeni od notara iz određenih razloga na rješavanje sudu.

Ukupan broj riješenih predmeta je 688 te riješen priliv od 568 predmeta, tako da je neriješenih ostavinskih predmeta u sudu na kraju izvještajne godine 863.

Velikom broju neriješenih ostavinskih predmeta i dalje doprinosi migracija stanovništva zbog čega je prepoznat problem neurednog dostavljanja poziva strankama i nemogućnost saznavanja adresa na kojima borave.

Nakon sastanka sa notarima i utvrđenih tačnih podataka o broju neriješenih predmeta kod notara, a starijih od 3 i 5 godina, sud će razmotriti mogućnost vraćanja tih predmeta sudu na rješavanje, a sve u cilju smanjenja broja tih predmeta i povećanja broja riješenih predmeta u sudu jer u broj neriješenih predmeta na kraju izvještajnog perioda u sudu prikazani su i ostavinski predmeti koji se nalaze u radu kod notara.

16. PLANIRANE MJERE ZA POBOLJŠANJE STANJA U SUDU

Kao i do sada prioritet u radu ovog Suda će biti rješavanje predmeta obuhvaćenih Planom rješavanja predmeta za 2024. godinu i to prema starosti inicijalnog akta, a kako bi realizacija istog bila postignuta u većem procentu nego ranijih godina.

U sudu je na kraju 2023. godine ostao toliki broj neriješenih predmeta da bi, uzimajući u obzir i očekivani priliv novih predmeta te popunjenost suda sa NPF, svi nosioci pravosudne funkcije mogli ostvariti normu u 2024. godini.

Rad na predmetima svih sudija i stanje ažurnosti sa naglaskom na postupanju u predmetima po inicijalnom aktu pratiće predsjednici odjeljenja zajedno sa predsjednikom suda i u toku godine predlagati i provoditi mjere za postizanje što boljih rezultata u radu, kao što je to bio slučaj u ovoj izvještajnoj godini kada je u pitanju izvršni referat u kojem je riješen veliki broj predmeta i referat doveden u stanje ažurnosti.

Takođe će se u 2024. godini raditi na većem i kvalitetnijem informisanju javnosti sa alternativnim načinima rješavanja sudskih sporova te općenito upoznavanju javnosti o radu i rezultatima rada suda, a sve u cilju vraćanja povjerenja građana u instituciju suda.

Kako je u izvještajnoj godini, u pogledu ostvarenja ciljeva iz Programa rada za 2023. godinu, u svim segmentima rada u sudu došlo do znatnog poboljšanja u radu: povećana je kolektivna norma suda, smanjen je broj neriješenih predmeta, znatno povećana realizacija Plana rješavanja predmeta, poboljšan kvalitet sudskih odluka, povećano je ostvarenje pojedinačne godišnje norme svakog sudije, smanjeno prosječno trajanje postupaka pred sudom izraženo u danima, to su sve pokazatelji da su planirane i provedene mjere za poboljšanje stanja u sudu u izvještajnoj godini u cijelosti bile dobro isplanirane i konstruktivne.

Dakle potrebno je zadržati u najvećem dijelu već postojeće mjere (redovno praćenje i analiziranje stanja na svim referatima), a u cilju prepoznavanja eventualno novih problema u pogledu ostvarivanja ciljeva u radu ovog suda, donositi hitno nove mjere radi prevazilaženja određenih nastalih i prepoznatih problema.

Kapitalnih ulaganja u izvještajnoj godini nije bilo obzirom da je to završeno u 2022. godini, ali su urađeni manji građevinski zahvati na objektu suda: bojanje vanjske fasade, uređenje prilaza zgradi suda i izvršeni molersko-farbarski radovi u objektu zgrade.

DOSTAVLJENO:

1. VSTV BiH
2. Predsjednici Kantonalnog sud Bihac
3. Ministarstvu pravosuđa i uprave USK
4. a/a



PREDSJEDNICA SUDA
Ezić Munevera